

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historia Zaringo Badensis**

**Schöpflin, Johann Daniel**

**Carolsruhae, 1765**

CIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

## CIII.

LITĒRÆ EXCŪSATIONIS EX MEMBRANA AUTOGRAPHIA IN ARCHIVO SECRETO VATICANO, AD CŪJUS CALCEM PENDENT DUAE LIGULÆ MEMBRANACEÆ, QUIBUS OLIM APPENSA FUERANT SIGILLA.

A N N O M C C X X X I L

**R**everendo in Christo Patri ac Domino suo Domino Gasberto Dei gratia Arelatenſi Archiepiſcopo Domini Papæ Camerario fui devoti, & humiles Johannes de Tor Decanus, & Magiſter Hermannus de Stotka Canonicus Conſtantiensis cum omni ſubjectione reverentiam in omnibus tam debitam, quam devotam. Paternitati veſtræ ſignificamus, quod cum hoc anno eſſemus in Curia Romana miſſi per Reverendum Patrem noſtrum Dominum Ruodolfum Episcopum, & Capitulum noſtrum, & - - - Cives Civitatis Conſtantiensis ad Sanctiſſimum in Christo Patrem, & Dominum noſtrum Dominum Johannem divina providentia Sacroſanctæ Romanæ & Univerſalis Eccleſiæ Summum Pontificem pro obtinenda divinatorum celebratione, ex parte veſtra non arreſtati, vel prohibiti, quod ſine licentia veſtra non exiremus Curiam, ſed ſimpliciter citati fuimus per Curſorem Domini Papæ quemdam, ut coram vobis in Palatio Domini Papæ comparere deberemus decima die exeunte Menſe Majo ad reſpondendum in jure Jacobo dicto Grieffemberch, quo termino devote comparuimus in Curia habitationis veſtræ ſedentes cum Adverſario noſtro prædicto ab hora vespertina uſque circa noctem ſed

propter necessarias occupationes vestras ipse fuit terminus circumductus. Deinde iterum auctoritate vestra fuimus citati per alium - - Curso-rem Domini Papæ, ut nona die exeunte Mense Majo coram vobis comparere deberemus ad respondendum prædicto Jacobo in jure, ut prius quo termino similiter comparuimus humiliter, & devote, & habita præsentia vestra propofuimus coram vobis, quod Dominus noster Summus Pontifex Dominus Papa hujusmodi causam, et causas ad suum, & Apostolicæ Sedis examen specialiter revocavit cum inhibitione, & decreto, super hoc etiam certis Executoribus deputatis, & ostendentes vobis suas litteras bullatas de hoc allegantes etiam jus revocandi domum, & in tantum instantes, quod dixistis eatis, de illa causa nihil est Nobis commissum, & benigne Pater hiis propositis, & ostensis, & vestra sancta, ac iusta responsione confisi expeditis nostris competenter negotiis recessimus non contumaciter vel furtive, ut prædictus Jacobus false asserit de Curia, sed palam in societate etiam magna ad propria, quamvis cum magnis tribulationibus, redeuntes. Verum quia Reverende Pater male informati, ut credimus, ad falsi suggestionem, & veri suppressionem præfati Jacobi asserentis nos sine omni comparitione furtive, & contumaciter de curia recessisse denuo nos citare fecistis, ut a tempore ipsius citationis intra Mensem, qui nimis brevis fuit terminus Nos in Palatio prædicti Domini Nostri Papæ coram vobis debeamus personaliter præsentare ad respondendum in jure Jacobo sæpe dicto. Et licet in quantum deberemus, et possemus comparere coram vobis essemus parati humiliter, et devote; Tamen quia eundi de Constantia ad Curiam Avinionensem sunt tantum duæ viæ usitatæ, una pèr Civitatem Lau-

---

---

fanensem, et alia per Civitatem Bifuntinam, et in utraque via tantæ sunt discordiæ, atque guerræ etiam notoriæ inter Dominos - - - Duces Auftriæ, Duces Burgundiæ, *Marchionem de Baden*, Laufonensem, et Basiliensem Episcopos, - de Sabaudia, - de Ehiburch, de Vissemburch, et de Novocastro Comites, inter Oppida Beronense, et Friburgense Laufanensis Diœcesis, ac prædictorum adjutores, et fautores, in qua etiam discordia nos in reditu nostro de Curia in una dictarum viarum in Oppido Româns Viennensis Diœcesis cum aliis quindecim honestis Personis, Prælati, Canonicis, Militibus, et aliis Nobilibus per - - dictum Enhardum et Claromonte sine omni causa fuimus captivati, & in alia via Rudolphus quondam præfati Jacobi Adversarii nostri frater apud Civitatem Turinacensem spoliatus extitit, & occisus, propter discrimina, & pericula viarum hujusmodi, & propter metum, qui potest cadere in constantes viros non possumus, nec audemus aliququaliter comparere. Super quo ecce damus Johanni dicto Gutanger Nuncio, & excusatori nostro inhibitori præsentium speciale mandatum in animas nostras jurandi prædicta esse vera. Supplicamus pietati vestræ, quatenus ex causis præmissis nos a comparitione personali habere dignemini excusatos. Ad informationem etiam præmissorum ipse Nuncius præfatas Litteras revocatorias vestræ venerandæ circumspeditioni, si placuerit, exhibebit. In quorum evidentiam sigilla nostra præsentibus sunt appensa. Datum Constantiæ Anno Domini millesimo ducentesimo trigesimo secundo die secunda Mensis Octobris Indictione prima.

---

---